

Predsjedavajući Predsjedništva BiH Bakir Izetbegović primio u posjetu baronesu Sayeedu Warsi, ministricu u Vladi Ujedinjenog Kraljevstva pri Ministarstvu vanjskih poslova i ministricu za vjere i zajednice

27.6.2014 0:00:00

U srdačnom i prijateljskom razgovoru, pažnja je posvećena aktuelnoj humanitarnoj i političkoj situaciji u Bosni i Hercegovini i regiji, te mogućnostima ubrzavanja bosanskohercegovačkog evroatlantskog puta. Razgovarano je i o manifestaciji obilježavanja 100 godina od početka Prvog svjetskog rata, kao i skorašnjoj posjeti predsjedavajućeg Izetbegovića Londonu, povodom obilježavanja Dana sjećanja na genocid u Srebrenici.

Baronesa Sayeeda Warsi je i ovom prilikom istakla snažnu podršku Vlade Velike Britanije Bosni i Hercegovini. Izrazila je nadu da će u skorom periodu, a posebno nakon izbora u oktobru 2014. godine, doći do ubrzanja procesa evroatlantskih integracija naše zemlje.

Predsjedavajući Izetbegović je, između ostalog, zahvalio baronesi Sayeedi Warsi za njen kontinuiran angažman na unapređenju odnosa Bosne i Hercegovine i Velike Britanije. Pozvao je Vladu Velike Britanije da učestvuje na međunarodnoj donatorskoj konferenciji za saniranje šteta nastalih nakon poplava u BiH, koja je planirana za 16. juli 2014. godine u Bruxellesu.

Foto galerija